



TIJOB'AL RECH UKAB' Q'AT TIJONIK REGIONAL GREATER NEW BEDFORD

1121 Ashley Boulevard, New Bedford, MA 02745-2496

Tel. 508-998-3321 Fax 508-995-7268 www.gnbvt.edu

. Na'ojil . Rayib'al . Chuq'ab'il

TAQANIK RECH OKEM PA RI TIJOB'AL

Okib'al

Ri taqanik chech ri tinamit Massachusetts (603 CMR 4.00) kuq'alajisaj chi konojel ri tijob'al rech ukab' q'at jawi kya' uk'utik jun uwach chak, kb'ix chech pa kaxlan CVTE rajawaxik kkiya' uwokik ya'ik uq'ij ri kub'ij ri taq taqanik rech kb'an ri okib'al jacha ne ri' kutaqej ri taqanik rech tinamit, weri' rajawaxik kya' uq'ijol ruk' ri kuna'tisaj ri taqanik chech ri Uwokaj nab'e q'at tijonik xuquje' ri ukab' q'at rech Massachusetts rachi'l ri Wokaj rech Tijonik pa Estados Unidos.

I. Uwujil okem

Ri uwach ri taq tijob'al chi kkijach ri ukab' q'at tijonik xuquje' ri uk'utik ri jalajoj taq chak, tajan e k'o chi uwach jun taqanik jawi xa ejetal jampa ri tijoxelab' kekisolij rech jela' utz ujachik ri tijonik. Are chi' ri Tijob'al rech Ukab' Q'at Tijonik Greater New Bedford Regional kuk'ulaj k'i tijoxelab' jacha ri uchuq'ab'il, kk'ulmataj ri' jun jastaq chak rech jela' kecha' kanoq ri tijoxelab' chi kekanaj kanoq. Ri taq no'jib'al chak patan k'o pa uwi' ri kicha'ik ri tijoxelab', solim kumal ri wokaj chi kech tat nan kik'amom eqe'le'n rech k'amal b'e, weri' chi ri solinem chech ri taqanik kb'an chi junab'. Ronojel taq ri b'ixikil on taqanik ri' k'olom rumal ri wokaj rech tijob'al chi k'o par i tinamit.

Ri tijoxelab' chi kekaj ke'ok pa ri tijob'al rech ukab' q'at tijonik Regional Greater New Bedford konojel kpaj kij rech jela' kecha'ik jachin taq ri ke'ok pa ri tijob'al.

II. Uwujil b'ixikil ri jalajoj b'antajik winaqilal chi ya'tal chi qech.

Ri Tijob'al rech Ukab' Q'at Tijonik Regional Greater New Bedford kuya uq'ijol ri ya'tal chi qech pa uwi' ri uk'iyal qab'antajik, qachomab'al jacha ri' pa ri tijob'al xuquje' jachintaq ri keriqitaj chi upam, kuya uq'ijol chi jujunal ri ub'antajik ri winaq rech man k'o ta k'ax kuriqo. Chi jujunal kilik chi achalaxik, junam kuk' ri nik'aj chik, xaq junam kqanuk' ri chomab'al jacha ri' pa ri tijonik are utz uya'ik uq'ijol ri uk'aslemal jun qachalal xuquje' ri kb'anowik. We Tijob'al kuya uq'ijol uk'aslemaxik ri ya'talik chech ri tijoxel, pa ri tijoxik kuk'utwa'chij chi rajawaxik knuk' ri no'jib'al chomab'al, jawije' man k'o ta yoq'owem jachoj ib'aj chi kixo'l ri tijoxelab', ruk' la' kqiye'j chi qas k'o ri' ri loq'onik chi kixo'l ri ab'om alitom. Are chi' kopan jun tijoxel pa we tijob'al, ksujux chech jalajoj uwach ri tijonik xane man kcha' taj jawije' kpe wi ri winaq, man kilitaj ta ri ukomon, ralaxik, wene achi, ixoq, jas ri' ri uwach ukojob'al, wene k'o jun yab'il qajinaq wi, ri uka'yib'al; ronojel weri' man kuya ta q'ij chi kcha' kiwach ri qachalal tijoxelab'.

We k'o jun tijoxel chi man kch'aw ta pa ri ch'ab'al inglés, kya' q'ij chech chi kuta' uq'ijol utijonik pa ri q'axib'al ch'ab'al ri' pa ri chakub'al Go2CTE chech ri Tijob'al Regional Greater New Bedford jela' kq'axax ri utzij. Kb'an ri toq'ob' chech rumal ri Tijob'al chi ya'tal chech ri tijoxel ri taq uwujil ri jun tz'onoj ri' rech man k'o ta k'ax kuriq ta ri utijonik. Ri utz'onoxik loq' kb'an pa ri rajalib'al ch'awib'al (508) 998-3321 pa ri uq'ab' 740 rech kya' ulo kito'ik.

Ri Tijob'al rech Ukab' Q'at Tijonik Regional Greater New Bedford xuquje' kujach ri tijonik chi kech ri tijoxelab' chi imeb'a', are' ri' rajawaxik kkitaq apan ri kitz'onoj, kech'aw apanoq pa ri rajalib'al ch'awib'al 508-998-3321 pa ri uq'ab' 700 rech keto'ik.

Jampa ri tijoxelab' chi wene ek'o pa jun yab'il q'oxomal on man kekowin taj kech'aw pa ri ch'ab'al inglés kya' q'ij chi kech keto'ik pa ri Tijob'al Regional Greater New Bedford rech kech'aw apanoq, kekitezijoj ri q'oxomal tajan kekik'ulmaj are ri' kya' ri tob'anik chi kech. Ronojel ri kkitz'onoj apanoq ri' man kuya ta k'ax chi kech xane jun toq'ob' pa kkiriqo are man kkitzaq ta kan ri tijonik jachom chi kech wene xa e k'o pa yab'ilal on kekowin taj kech'aw pa kaxlan tzij.

Ronojel we kya' apan ub'ixik, wokinaq pa ri taqanik chech ri tinamit Massachusetts, rumal ri' ri Tijob'al Regional Greater New Bedford uwokom jun cholchak rech *"Uya'ik uq'ij ri tijonik chi kech ri tijoxelab' jacha ri ata'matal ya'tal chi kech, ruk' weri' man keta ta kanoq kuk' taq nik'aj chik chi tijoxelab' chi kkitizijoj kib' pa nik'aj chi taq tijob'al, xane ke'ilitaj chi ijunam, rumal chi ri keta'mab'al man k'o ta kuk'ex rib'"* Chi junab' ri Tijob'al Regional Greater New Bedford kub'an we jalajoj taq chak ri':

1. Uwokom jun chak pa ri taq komon jawi ri alaxik kkito' kib', utz kik'olem jela' kketa'maj ronojel ri kusujuj ri Tijob'al rech Ukab' Q'at Tijonik Regional Greater New Bedford, arech kuto' ri tijoxelab' ke'opan pa ri tijob'al.

- a. Kuk'ulmaj riqow ib' chi junab' jawi e k'o ajchakib' chi jalajoj kich'ab'al rech kekito' ri alaxik chi ujachik kitz'onoj chech ri tijob'al.
- b. Kuk'ulmaj pa taq chaq'ab' jawi k'o ri Tijob'al arech kito'ik ti alaxik chi kekaj kkijach ri kitz'onoj, weri' keto' kumal ajchakib' chi jalaj kich'ab'al.
- c. Kk'ulmaj pa taq chaq'ab' riqow ib' "Chacha' ri Atijob'al" pa konojel taq ri tijob'al e k'o pa ri tinamit rech kkik'utwachij chi kiwach ri tijoxelab' ri kusujuxik.
- d. Kk'ulmaj joq'otaj ilinib'al pa ri Tijob'al Regional Greater New Bedford jela'ri tijoxelab' kkisolij jampa ri kusujuxik.
- e. Kk'ulmaj chak patan jawi kkiwok kib' nik'aj taq wokaj chik rech jela' kkijach ri tijonik chech ri komon alaxik.
- f. Kkiya' ujub'uxik jampa' ri kusujuj ri Tijob'al pa ronojel taq ri k'at tzijob'al, pa q'axib'al tzij, q'axib'al wachib'al xuquje' nik'aj chik.

2. Kkiya' uq'ij ri k'utwachib'al chi kech ri alaxik chi kekaj ri tob'anik rumal chi kkiriq k'ax ruk' chi man kech'aw ta pa ri ch'ab'al inglés.

- a. Ri chakub'al Go2CTE kuq'alajisaj wene k'o jun tijoxel on alaxik chi man kech'aw ta pa ri tzijob'al inglés rumal ri' rajawaxik jun kito'ik ajq'axinel kitzij.
- b. Ri chakub'al Go2CTE kukoq jun chik chakub'al ub'i' "Q'axinel Tzijob'al" ruk' la ri alaxik on tijoxel loq' kupitz' ri jun nak' ri' xuquje' kucha' ri ch'ab'al jawi kraj kusik'ij uwach ri chakub'al ri'.

3. Kya' ri tob'anik chi kech ri nik'aj taq tijob'al chik chi kkijach ri ukab' q'at tijonik rech kike'tamaj jas ri uwokik ri tz'onoj kub'an jun tijoxel pa ri (Académica y CVTE) pa uwi' ri chak patan rech ri Tijob'al xuquje' ri urayib'al ri tijoxel.

- a. Kk'ulmax jun wa'im rech aq'ab'il chi junab' kuk' ri k'amal taq b'e chi kech ri tijob'al kkijach ri ukab' q'at tijonik.
- b. Kb'an elem ilik chi upam ri Tijob'al kuk' taq ri tijoxelab', qawinaqil, ajchakib' chech ri taq wokaj keriqitaj pa ri komon rech tijonik.
- c. Ksujux chi kech ri k'amal taq b'e rech tijonik, chak patan rech kq'alajisax chi kiwach ri ukojik utz'onixik ri tob'anik pa ri chakub'al Go2CTE.

4. Usolixik usuk'ub'axik ri ucholal ri cha'b'al kkojik chi kech taq ri tijoxelab' rech k'ut man k'o ta k'ax ruk', rumal k'o ne kraj ktas kan jun tijoxel rumal ri ub'antajik, uchomab'al, uka'yib'al on jun jastaq sutaq, jacha ne lo ri ukojob'al, ri k'olib'al jawi kpe wi. K'o taq mul kuya k'ax jub'iq' ukojik weri' xane rajawaxik ri' ksolix rech utz ukojik kb'anik jacha ne lo ktatajik chi "ketas kan nik'ak chi kech nik'aj chik"; xane rajawaxik kkanaj kanoq chi (Nab'e) ri ucholal ri cha'b'al ri' k'o chi upam chi qas kuya uq'ij ri kirayib'al ri tijoxelab'; (Ukab) Man k'o ta chi upam k'otow chi'aj chi kuya jun jech' chi rij ri tijoxel on pa kib'e ri wokaj tijob'al.

- a. Ri Tijob'al rech Ukab' Q'at Tijonik Regional Greater New Bedford chi jujunab' kuwok jun chak patan chi rij ri jun cha'b'al jawi ri k'otow chi'aj rajawaxik ksolixik rech kesax chi upam wene k'o jun jech' ruk' weri' ksuk'ub'ax ri taqanik pa ri pajib'al ri'.
- b. Kwok jun wokaj solinelab' rech jela' kkiya ri oqxa'n pa uwi' ri pajib'al ri', wene k'o jun rajaaxik ksuk'ub'axik chi upam xane qas kb'an ri'.

III. Cha'onik

Xaq pachin ri tijoxel chi k'o pa ri uwajxaq, ub'elej, ulaj, ujulaj chi kpe chi unaqaj ri ch'aqap tinamit rech (Bedford, Dartmouth o Fairhaven) kumajij kuta' ri tz'onoj pa ri chakub'al rech ri Tijob'al rech Ukab' Q'at Tijonik Regional Greater New Bedford. Konojel ri tijoxelab' kya' q'ij chi kech ke'opan pa ri tijob'al Regional Greater New Bedford we utz ub'anom ri kich'akom pa ri jun q'at chi apanoq chech ri kitijonik. **B'ixikil: Ri utz uch'akoj ucha'ik ri tijoxel are kuterne'j we qas kuya uq'ij ri utijonik, utz uno'jib'al k'ate' k'ut kuch'ak ri taq q'at chech. We an jeri' taj loq' kesax chech ri tob'anik.**

Jampa ri tijoxelab' chi utz ub'anom ri kiwuj xuquje' kkiya' uq'ij ri kitz'onoj, we man kepe pa ri tinamit ri' chi ri (Bedford, Dartmouth o Fairhaven) kya' ri' chi kech ri kitz'onoj chi kiwach ri qas kepe pa taq ri tinamit xya kan ub'ixik. Jampa ri tijoxelab' chi naj kepe wi, xane e k'o pa uq'ab' ri tob'anik chech ri

Amaq' jacha kb'ix chech McKinney-Vento Homeless Assistance Act (Taqanik McKinney-Vento chi kech ri alaxik chi man k'o ta kachoch) xuquje' ri Every Students Succeeds Act (ESSA), (Taqanik Chi jujunal Tijoxel Kch'akanik) ke'ok ri' jacha ne lo ajtijoxel chech taq ri tinamit ri'.

Ri tijoxelab' che keq'ax pa jun chik tob'anik rech Amaq' jacha kub'ij ri uwujil ri q'at 74 xuquje' keq'ax ulo pa ri tinamit loq' chi kkita ri tz'onoj pari chaqi'j uwach ulew on wene k'ate' are chi e k'o pa ri 10 wene 12 junab' chech ri q'at ri **are' ri' kpaj kij ruk' ri wuj k'o chikrech ri cha'onik. Ri tijoxelab' ri, keya' chi upam ri tob'anik CVTE wene k'o na ri k'olib'al chi xkicha'o.**

Tijoxelab' chi man e k'o ta pa ri tinamit.

Ri tijoxelab' chi man xek'iy ta pa ri tinamit New Bedford, Dartmouth, xuquje' Fairhaven utz kecha'ik chech ri tob'anik pa ri Tijob'al Regional Greater New Bedford. Xane k'o jun rajawaxik knimax pa uwi' le chak le', are chi qas kya' uq'ijol nab'e ri tijoxelab' chi xe'alax pa ri tinamit komon rech ri Tijob'al Regional Greater New Bedford, nojim ri' kb'an chi tzijonem chi kij ri nik'aj chi k'ak' winaq pa ri komon rech jela' man keta ta kanoq, weri' krayis chi qas ta b'a utz ktatajik, man xa ta k'ax kqaj kya'ik. Ronojel weri' k'o ukolomal kq'alijisaxik pa ri okib'al [Chapter 74 Nonresident Student Tuition Program](#).

Ucha'ik ri Tijob'al

Ri Tijob'al rech Ukab' Q'at Tijonik Regional Greater New Bedford man k'o ta pa cha'onik kb'an chi kech ri taq tijob'al chi kkikoj ri tob'anik rech Amaq'. Ri cha'onik ri' chi kk'ulmataj chi kiwach ri tijob'al, [M.G.L. c. 76, § 12B](#), kuya ri' q'ij chi kech ri tat nan chi loq' kkitaq ub'i ri kalk'wa'l pa taq ri tijob'al naqaj chech ri tinamit jawije' kepe wi. Ri k'amal taq b'e che ri Tijob'al Regional Greater New Bedford kopna ri' chech ri chak rech kitzukuxik kicha'ik chi junab' ri tijob'al jachin taq kekanaj chi uwach ri egele'n.

Tijoxelab' chi man k'o ta kachoch.

Ri Tijob'al rech Ukab' Q'at Tijonik Regional Greater New Bedford kujach ri tob'anik chi kech ri tijoxelab' chi man k'o ta kachoch xane rajawaxik kepajik jacha ne lo kub'ij ri Taqanik McKinney-Vento, jawije' kuq'alajisaj jas ri' ri rajawaxik kk'ulmatajik pa kiwi' rech utz kel ri chak chech ri tob'anik.

Taqanik rech kicha'ik. Are chi' chi ri tijob'al xutaqej ri' ri chak rech kto' ri tijoxel, ri Wokaj Tinamit rajawaxik kutz'ib'aj ri ub'i' pa ri uwujil Amaq' are chi' tz'aqat chi ri uwuj. Are chi' loq' kya uko pa ri ucholal eyenik rech jela' ktz'ib'ax ub'i'.

Tijoxelab' chi e k'o pa ri ja minorb'al

Ri Tijob'al rech Ukab' Q'at Tijonik Regional Greater New Bedford kuya ri tob'anik chi kech ri tijoxelab' e k'o pa ri ja minorb'al are ne lo rajawaxik kecha' jacha ri taqanik. Are chi' ktz'ib'ataj kib'e', rajawaxik k'o jun ri'j kch'aw chi kij, ri tijoxelab' ri' xas kkitaqej ri k'olem pa ri tijob'al. Wene k'o jun jastaq kk'ulmatajik, rajawaxik ri' kb'an ri tzijonem ruk' ri Wokaj kb'ix chech pa kaxlan (Departamento de Servicios para Niños y Familias) jawi kchomax chi wene are utz chi ri tijonel kopan pa ri tijob'al chi naqaj chech ri rachoch (ja minorb'al) rech man k'o ta k'ax kuriqo. Wa' weri' kya' la uq'ij ri ktz'ib'ax ub'i' are chi' chi we xel chi kiwach ri k'amal taq b'e chi are ukolomal ri ala ali kq'axex pa ri tijob'al chi unaqaj jawije' k'o wi.

Tijoxelab' chi ketijox chi kachoch

Konojel ri tijoxelab' chi kkitaqem ulo uk'amik ri tijonik chi kech chi kachoch xane loq' kkita' ri okem pa ri Tijob'al rech Ukab' Q'at Tijonik Regional Greater New Bedford, xane rajawaxik kkiya uq'ij ri jastaq rajawaxik kta'ik jacha ri taqanik pa uwi' ri'. Jampa ri kuya uq'ij ri taqanik, man ke'utas ta kan ri tijoxelab' chi tajan kkik'am ri kitijonik chi kachoch. Rajawaxik ri' chech ri tat nan chajinel rech ri tijoxel, kujach jun wuj chi qas kuq'alajisaj chi upam chi qas ya'om q'ij chech ri tijoxel kuk'am ri tijonik chi rachoch. Arechi' chi man k'o ta we jun wuj, xas rajawaxik kjach jun chak b'anom ruk' ri tijoxel jawi kuk'utwa'chij chi qas b'anom ri tob'anik rech ri utijonik je man kkanaj ta kanoq, weri' jun chak ruk' taq ri tz'aqat tijonik pacha' ri inglés, ruk' ri ajilab'al, nik'onem on eta'mab'al chi rij tinamit.

Tob'anik rech keb' junab'

Pa ri Tijob'al rech Ukab' Q'at Tijonik Regional Greater New Bedford kujach tob'anik tijonik chi b'anikil xaq pa keb' junab', weri' b'anom pa kiwi' ri tijoxelab' chi e k'o pa ri urox xuquje' ukaj junab' chech ri tijonik. We are ri tijonik chech keb' junab' xuwi' loq' kya' chi kech ri tijoxelab' chi qas ke'ok pa ri urox junab'. Kna'tisaxik chi we tob'anik ri' kya' q'ij chech chi junab', xas kchomax na rij la kuya k'ut kjachik are qas rajawaxik ktaqex ri taqanik pa uwi' xuquje' we k'o ri k'olib'al chi kech ri tijoxel rech ke'okik.

Ri tz'onoj chi kb'eyitajik

Ch'ikital chi pa ri Tijob'al rech Ukab' Q'at Tijonik Regional Greater New Bedford xas kuk'am ronojel taq ri uwujil tz'onoj ronojel q'ij chi umajib'al junab'. Jampa ri wujil chi k'ate' kjach chi rij ri 8 rech marzo kk'am ri' xane man kok'ow ta chi pa ri cha'onik, xane kya q'ij chi kech wene k'o na ri k'olib'al kto'taj na.

IV. Taqanik pa uwi' ri ujub'uxik ri Cha'onik

Ri Tijob'al rech Ukab' Q'at Tijonik Regional Greater New Bedford upaqab'am ri ucholal taq ri nimaq'ij k'ulmatajem pa ri uk'attzjob'al kb'ix chech sitio web <https://www.gnbvt.edu/admissions> jawi tz'ib'ital q'alajisam ri ukolomal ri utz'onoxik ri tob'anik tijonik. Konojel ri tijoxelab' xuquje' ri alaxik loq' kkita' ri uxaq taq wuj pa uwi' weri', ktz'aj chi kiwach xuquje' kjach chi kech pa ri taqoqxa'nib'al rech ri Wokaj Cha'onelab': admisiones@gnbvt.edu on pa ri rajalib'al ch'awib'al (508) 998-3321 pa ri uq'ab' 740.

We Tijob'al ri' kusujuj chi kech ri qachal chi kkib'an ri tz'onoj rech kkisolij ri jalajoj taq uwach tijonik kujacho chi kech tijoxelab'. Ri utz'onoxik weri' loq' kb'an pa ri taqoqxa'nib'al xb'ix kan ajsik, ri: admisiones@gnbvt.edu on pa ri (508) 998-3321 uq'ab' 740. Wene xuriqa' chi ri solinem kub'an ri tijoxel xas k'o ri' uq'ijol ri utijonik pa utijob'al, loq' kb'an jun wuj rech man k'o ta k'ax chech are' pa ri utijonik, xas kto' ri' kq'alajisax ub'i chi upam chi ri winaq xuk'ulmaj ri elem ri' xuquje' ri jas che. Weri' man xaq ta kk'ulmataj, xane rajawaxik chech ri tijoxel kuya na apan ub'ixik chech ri utijob'al chi kub'ana ri solinem pa ri Tijob'al rech Ukab' Q'at Tijonik Regional Greater New Bedford, weri' kuya q'ij chech ri Wokaj Chaonelab' chi kuk'ulmaj jun tzijonem ruk' ri utijob'al ri tijoxel rech loq' kb'an rutzil ri elem xuquje' wene rajawaxik jun ch'ich' chech.

Ri Tijob'al Greater New Bedford xuquje' kujach ri uchak, kusujuj ri uwach ri tijonik chi kiwach ri taq tijoxelab' pa taq riqow ib' kkib'an ri tijob'al on nik'aj taq wokaj chik. Xuquje' kujach apanoq chi kiwach ri tinamit ri tajan rajawaxik rech ri cha'onik chi kech ri k'ak' taq tijoxelab' pa taq riqow ib' rech noviembre, ktaq ub'i jetaq wuj chi kech tijoxelab' chi e k'o pa 7.º y 8.º utz'aqat tijonik; weri' xuquje'

kjach apanoq pa taq ch'aqap taj wuj, b'ixikil, paq'axib'al tzij, wachi'ab'al xuquje' pa ri k'atzijob'al rech ri Tijob'al, ri <https://www.gnbvt.edu>.

VI. Ukolomal uwujil ri tz'onoj

Ri Tijob'al Regional Greater New Bedford kukoj ri chakub'alpa kaqiq' Go2CTE <https://gnbvt.go2cte.org/>. Weri' k'o pa k'i taq ch'ab'al xuquje' loq' ksolix pa ch'awib'al, kematz'ib', nik'aj chik. Ri ajchakib' xas e k'olik chi kita'ik kito'ik ri alaxik pa ri taq ch'ab'al ne lo rajawaxik, ri man kech'aw ta pa ri Inglés, xane utz kkib'an ri tzijonem pa ri taqoqxa'nib'al: admisiones@gnbvt.edu on pa ri (508) 998-3321 uq'ab' 740, xane k'o jun wokaj ajq'axinel tzij chi kkisolij ri tzijonem tob'anik kuk' ri qawinaq chi man kkikoj ta ri inglés. Ronojel ri rajawaxik ri ktz'onox uloq, xuquje' ri ukolomal ri' xas kumajij kqasac pa ri <https://www.gnbvt.edu/admissions/> wene loq' kopan jun pa ri qachoch kumajij kuta ukoq pa ri Wokaj rech Cha'onik, kjach ulo chech ri chi uxaq wuj rech man k'o ta sachib'al chech. Man k'ota mayib'al ruk' weri' rumal chi ri Wokaj rech Cha'onik loq' kub'an tzijonem kuk' ajtob'anel chi pa ri uq'ab' tinamit rech keto' ri tijoxelab' chi kkiriq jub'iq' k'ax ruk' ri utz'aqatixik ri tz'onoj.

Ukolomal ri tz'onoj pa ri chaqij' q'ij rech 9º rech ch'aqap Tijonik

Konojel ri tijoxelab' chi e k'o pa ri uwajxaq tijonik chi k'o kachoch pa New Bedford, Dartmouth on Fairhaven kya' chi kech sik'inem rech ke'ok pa ri riqow ib' kk'ulmataj pa taq noviembre. Ri ukolomal ri utz'onixik weri' kriqitaj pa ri: <https://gnbvt.go2cte.org>.

- Ri Tijob'al rech Ukab' Q'at Tijonik Regional Greater New Bedford kumaj ri sik'inem tz'ib'anem b'ij'aj pa 1 rech septiembre. Konojel ri alaxik xuquje' ri tijoxelab' chi xas kkirayij ke'ok pa we tijob'al xas rajawaxik kkitz'aqatisaj weri':
 - Ktz'aqatisax ri tz'ib'atal b'ia'j waral: <https://www.gnbvt.edu/admissions>.
- Rumal chi sib'alaj k'i ri winaq ke'oksaj ri kib'i pa ri tijob'al ri', kya' na pan ub'ixik wene loq' kya q'ij chech utz'ib'axik ri b'ij'aj pa ri q'ij kotz'ij'al, primavera kuchax chech. **Rech kya q'ij chech ri tijoxel kok are chi', xas rajawaxik xutz'aqatisaj kan ri' ri utz'onoj on utz'ib'axik ub'i' ruk' ronojel ri uwujil chi uxe' kanoq ri 8 rech marzo.**
- Jampa ri wujil chi kopan chi rij ri 8 rech marzo xas kkanaj kanoq chi rij ri k'ulmatajem cha'onik xane keye'x na chi ktz'aqatixas ri tijoxelab' rech taq nab'e junab' ch'aqap tijonik (chsolix b'a ri q'at VIII. Ukolomal ri cha'onik rech ujachik b'ixikil). Xb'ix kan ajsik chi ri Tijob'al xaq kuk'am ri wujil chi uxe' kanoq ri 8 rech marzo, konojel ri' ke'ok pa cha'onik, we k'o ri wuj chi k'ate' kejach pa uwi' ri q'ij ri', xuwi kil na we k'o na tem k'olib'al rech loq' kkanaj kan ri tijoxel.
- Pa uq'ab' ri ajchak tob'anel chi kech ri tijoxelab' pa taq ri tijob'al jawi ke'el ulo wi **kutaq ulo uwujil, kupaqab'a jampa ne ri' ri rajawaxik pa ri Go2CTE rech chijujunal tijoxel chi kub'ann utz'onoj.** Jewa' ri ucholal kb'an uloq:
 - Uwujil nak' chech ri uwuq ch'aqap tijonik (7º grado);
 - Uwujil ri keb' ch'aqap nak' rech ri uwajxaq ch'aqap tijonik (8º grado)
 - Uwujil ri ub'antajik chech ri 7º. xuquje' 8º. Ch'aqap tijonik;

- Uwujil ri jampa mul xopan ta pa ri tijonik che ri keb' junab' ri' (7º. y 8º grado)

Ronojel taq we wuj, xas rajawaxik ktaq ulo pa ri Wokaj rech Cha'onik xas tz'ajom uloq chi uxaq wuj, ktaq ulo pa taqoqxa'nib'al admisiones@gnbvt.edu, taqoqxa'nib'al wujil, fax, on kejach kanoq chi pa ri qachoch jawi k'o ri wokaj solinel GNBVT - 1121 Ashley Blvd. New Bedford, MA 02745.

Ukolomal ri Tz'onoj pa ri chaqij' q'ij rech 10º., 11º. y 12º ch'aqap tijonik

Ri okib'al kb'an pa taq we ch'aqap tijonik ri', kk'ulmataj we k'o na k'olib'al on tem rech kya' q'ij chech ri okem pa ri jalajoj taq tijonik. Weri' xas kya' q'ij chech are chi kopan ri q'ij pa agosto are chi' kk'is ri joq'otaj tijonik, ri tz'ib'ital b'iaj xane ksolixik we tz'aqat ronojel. Man xaq ta konojel ri tijoxelab' ke'opan, xane kecha' na xuquje' ri Tijob'al Greater New Bedford xuwi kuk'amo ri tijoxelab' chi elenaq ulo pa jun tijob'al jacha ri uwach kichak are', jacha kb'ix chech (CVTE) de Massachusetts; xuquje' we k'o na k'olib'al pa ri ucholajil tijonik rech CVTE.

Konojel ri tijoxelab' chi kekaj ke'okik pa ri jetaq tijonik ri', loq' kkitz'onoj apanoq rech ri chaqap tijonik rech 10º-, 11º. o 12º. pa ri <https://www.gnbvt.edu/admissions>.

Ri tat nan kech ri ab'om alitom loq' kech'aw apanoq pa ri Wokaj Ka'inelab' (GNBVT) kkib'ij apanoq chi kekaj kkita' utzijol ri uwach tijonik ri'. Pa kiq'ab' ri tijoxel xuquje' ri tat nan, kekita' chech ri tijob'al jawi k'o wi ronojel ri wuj rajawaxik chech ri keb' junab' utijonik uloq, are ri uwujil nak' rech tijonik, uwujil ub'antajik, uwujil uya'ik uq'ijol ri utijonik.

Ronojel ri wuj ri' ktaq ub'i pa ri Wokaj Cha'onelab': admisiones@gnbvt.edu on kejach pa ri rachoch, kb'ix chech pa kaxlan, "Admisiones GNBVT - 1121 Ashley Blvd. New Bedford, MA 02745".

- **Ri wujil chi kejach kanoq chi uxe' ri 31 rech julio kesolix aninaq rech ke'ok kan chanim chi uxe' septiembre. Jampa' ri nik'aj chik chi ke'ok pa uwi' ri q'ij ri' xane ke'echolax kikeye'j rech wene kjamataj uko jun k'olib'al.**

Wujil chi tz'aqat taj.

Are wa' ri ucholal wene k'o wujil chi tz'aqat ta uloq:

- Cha'taj chi ri tijoxel krilo chi man tz'aqat ta ri uwuj on k'o jun k'ax ruk', loq' kusolij apanoq pa kematz'ib' Go2CTE, jewa' ri retal kkojik:
 - ***Man tz'aqat taj, eye'm chi ksuk'ub'ax na***
- Chi upam ri junab' rech tijonik ri ucholal Go2CTE on ri Wokaj rech Cha'onik kkiya' ub'ixik chech ri wokaj solinelab' chi ri uwujil ri tijoxel man tz'aqat taj xane kkita' kanoq chi rajawaxik utz'aqatixik.
- Pa taq chi uxo'l ri junio xuquje' agosto, Ri Wokaj rech Cha'onik kuya apan ub'ixik chech ri tat nan chech ri tijoxel chi ri jampa ne lo rajawaxik usuk'ub'axik chi upam ri uwuj.
- Nab'e kya' na uq'ij chi ksuk'ub'ax ri uwujri tijoxel ruk' ri solinel rech ri jun tijob'al elenaq ulo wi, rech man qas ta k'o k'ax pa ub'e xuquje' aninaq usuk'ub'axik. Weri' ktz'ib'ax kan chi uwach jun wuj su ri' ri xk'ulmatajik rech kkanaj kanoq chi uwach saq. Are chi' xq'axtaj chi kawinaq job' q'ij

(45) k'ate' ri wuj maja' ktz'aqatik uwach, xane ktas kanoq. We ri tat nan kuq'alajisaj chi pa saqil chi jas che xb'eyitaj ruk', loq' ri' ktoq'ob'isax na uwach.

Tijoxelab' chi ke'el ukanoq

Ri tijoxelab' chi ke'el ukanoq pa ri tijonik ruk' ri Tijob'al rech Ukab' Q'at Tijonik Regional Greater New Bedford, keb'e chi ub'i pa jun chik tijob'al chi utaqexik ri kitijonik are ne lo kekaj ketzalij chi uloq, loq' ri' kepe chi jumul are rajawaxik kkitaqej ri qas ri ucholal jacha ri nab'e mul.

VII. Ukolomal ri cha'onik

Ri Tijob'al rech Ukab' Q'at Tijonik Regional Greater New Bedford kutz'ib'aj kib'i' 285 tijoxelab' chi taq umajib'al junab' rech tijonik.

Umajib'al ri utz'ib'axik b'i'aj kumajij ulo ruk' jun nimalaj chak rech kicha'ik ri nab'e taq 285 k'olib'al pa ri tijob'al ri'. Ronojel ri wujil chi xtaq kanoq chi uxe' ri 8 rech ri marzo ke'okik pa ri cha'onik kb'an chi kech. Ronojel ri' ri jun chakub'al chikkojik rech kicha'ik ri tijoxelab' are kutaqej ri' ri ch'ikital pa ri taq taqanik rech kicha'ik ri tijoxelab' weri' kiya'om ri k'amal taq b'e chi rech uq'ab' tinamit (Jewa' kub'ij)

Ucholal le rajawaxik kta' chi kij ri tijoxelab' rech ke'ok kanoq pa ri Tijob'al arech kkik'am jun je'lalaj tijonik rech chak patan:

Ucho'lajil ri wujil cha'ob'al: arech kcha' jun winaq tijoxel rajawaxik weri':

1. K'o taq nak' (70+) chi uwach ri kajib' tijonik no'jib'al (ELA, Matemáticas, Ciencias y Estudios Sociales rech ri tijob'al elenaq wi) xuquje' kuya uq'ij ri tijob'al.

Kuk'utwa'chij chi qas nim ri urayib'al uno'jib'al chi rij uk'amik uq'ab' ri tijonik rech chak patan pa ri taq ch'aqap ri' 7º. y 8º. chila' kuq'alajisaj chi ri tijoxel qas uya'om uq'ij (kub'ij chi uwach wuj chi ri tijoxel man q'axinaq ta chech ri 10% chi man qajinaq ta pa ri utijonik)

2. Kujach jun uwujil jawi kub'ij chi ri tijoxel man k'o ta nim mak ub'anom pa ri tijob'al jawi ne lo elesam ub'i jun keb' oxib' q'ij jacha ne lo kub'ij ri b'ixikil M.G.L. c 71, 37H o 37H 1/2, on wene xesax ub'i k'i taq q'ij qana chech 10 jacha ne lo kub'ij ri M.G.L. c 71, 37H¾.

Are chi' echa'om chi ri tijoxelab' rumal ri jun wujil ri' kmajitaj chi ukolomal ukojik ri cha'ob'al ri kicha'ik ri tijoxelab' pa ri q'ij 15 rech abril pa 2023 on wene chi uxe' uloq are ne lo kya' apan ub'ixik chi kech ri ajsolinel rech uq'ab' ri tijob'al. Are chi' ch'ikital chi we q'ij ri' kmajitaj ukojik ri cha'ob'al rech jela' kriqitaj kan rajaw ri 285 tem k'olib'al rech jela' kmajij ri okem pa ri tijob'al.

Are chi' kilitaj chi k'o chi rajaw ri taq tem ri', ri jampa ne lo kekanaj kanoq chi kech ri Tijoxelab' pa 2028 weri' kya' uq'ijol chi uxe' je'lalaj no'j chi rij ri rajawaxik chi kech ri tijoxelab' are k'ut chi kkiriq utzalaj k'aslema rech tijonik pa ri Tijob'al Regional Greater New Bedford

Ri ja wokaj chech ri utz'ib'axik b'i'aj, kuchap ri' ronojel ri uwujil tz'onoj rech kkikooj chi rij jalajoj taq no'jib'al rech cha'onik. Chi jujunal chi kech ri tijoxelab' kkoj chi kij ri kiwuj k'i taq nak' rech jela' kuk'utu jampa ri kikesaj chi rij kiwujil tijonik k'aslema, jacha ri kuk'utwa'chij we kajxkut:

Ch'akom Tijonik: Man kpaqi' ta chech 24 ri nak'

Ri nak' qas kta'ik	Nak' kta' chi rij ri kajib' no'jib'al tijonik	Ri nak' chi qas rajawaxik
70-100	6	24
65-69	3	12
0-64	0	0

Ri nak' rajawaxik chech ri kiwujil ri jampa ke'ok pa **9º. grado** (kopan pa saq'ij), are kkoj ri xresaj pa ri uwuq junab' tijonik, xuquje' ri nak' relesam chech ri nab'e xuquje' ri ukab' q'at chech ri uwajxaq utijonik chech ri tijonik no'jib'al inglés, matemáticas, estudios sociales y ciencias jacha ne lo kuk'utwa'chij ri uwujil nak' rech ri utijob'al.

Ri nak' rajawaxik chech ri tijoxel ri kok pa **10º. y 11º grado.** (kopan pa saq'ij), are kkoj ri xresaj chech ri keb' laj taq q'at chi uxe' kanoq xuquje' jampa ri resam chech ri k'ak' junab' chi rij ri tijonik no'jib'al inglés, matemáticas, estudios sociales y ciencias jacha ne lo kuk'utwa'chij ri uwujil nak' rech ri utijob'al.

Ri nak' rajawaxik chech ri tijoxel chi kopan pa **9º., 10º. y 11º.** (kopan pa ri junab' rech tijonik), are kkoj ri rech tijonik no'jib'al inglés, matemáticas, estudios sociales y ciencias chech ri junab' tijonik kanoq xuquje' we rech ri k'ak' junab' chi uxe' koq ri q'j are chi' kujacha ri uwuj.

Uwujil opanem pa tijob'al: Man kq'ax ta chi uwach ri 50 nak'

Chawe'tamaj: wene k'o jun kk'ulmataj chi rij ri uwujil ri opanem pa ri tijob'al jawi kriqitaj ri tijoxel rajawaxik ri' kuq'alajisaj jas che ri' xk'ulmataj on suche k'o ri' jun b'ixikil chi upam chi rajawaxik kq'alajisaxik on ksuk'ub'axik are chi' kujacha kan ri uwujil utz'onoj.

7.º grado: 20 nak' (kuk'utwa'chij jun junab' chech ri utijonik)

Jampa mul xopan taj	Ri xresaj
0-7	20
8-12	15
13-15	10
16-17	5
18+ (Qas mayib'al ri xopan taj)	0

8º. Grado: 20 nak' (kuk'utwa'chij nik'aj junab' chech utijonik)

Jampa mul xopan taj	Ri xresaj
0-4	30
5	25
6	20

7	15
8	10
9+ (Qas mayib'al ri xopan taj)	0

Pa ri kiwuj ri ke'ok pa **9^o**. tijonik (kopan pa saq'ij), are kkoj ri jampa xk'am chi rij ri mul xopan ta pa ri tijob'al chech ri 7 q'at tijonik, xuquje' ri nak' xresaj chi rij ri nab'e xuquje' ri ukab' ch'aqap che ri uwajxaq q'at tijonik jacha ne lo kuk'utwa'chij ri uwujil nak' rech ri utijob'al.

Chi rech ri kiwuj ri ke'opan pa **10^o. y 11^o**. Tijonik (kopan pa saq'ij), are kk'am rij ri mul xopan ta pa tijob'al chech ri junab' kanoq xuquje' ri k'ak' junab' jawi k'o wi jacha kuk'utwa'chij ri uwujil nak' rech utijob'al.

Chi kech ri kiwuj ri ke'ok pa **9^o., 10^o. y 11^o**. rech tijonik (kopan chech ri junab' utijonik), are kkoj ri taq mul chi xopan ta pa ri tijob'al chech ri junab' kanoq xuquje' ri k'ak' junab' chech utijonik.

B'anob'al rech tijonik: Man kq'ax ta pa uwi' 26 nak'

Ri ub'anob'al ri tijoxel wene k'o jun xsach ruk' pa ri utijob'al, xa k'ut xkoj wuj pa uwi' on wene jun yajikil, la' kchomax na xuquje' ksolix na kumal ri ajsolinel rech ri Tijob'al rumal k'ut man kuya ta q'atoj tzij chi rij ri uwuj, xane nojim ksolix na. Weri' are ktaqex ri kub'ij ri taqanik 603 CMR 4.03(6)(a), "ko'l makaj on yajikil" xane weri' man xaq ta kuya ub'i q'atoj Tzij chi rij ri tijoxel, tz'ibital pa M.G.L. c 71, 37H o 37H 1/2, on xane xb'an ri' ri q'atoj k'ate' xesax ub'i keb' oxib' q'ij on 10, k'o chi upam ri M.G.L. c 71, 37H¾.

Chijujunal chi kech ri umak ri tijoxel, rajawaxik ksolix na rech kb'an jun q'atoj tzij chi rij wene kchomax rij jas che ri' kopan pa nin mak (37H ¾) xane ruk' weri' kilitaj b'a ri tijoxel nojim b'a kusuk'ub'a' ri uno'jib'al ub'anikil pa ri tijob'al. We k'o jun tijoxel chi maj (0) nak' xresaj chi rij weri', kya' q'ij chech chi kuq'alajisaj chi kiwach ri ajcha'onelab' suche jewa' ukolomal uwujil umak.

7^o. tijonik: 10 nak' (Kuk'utwa'chij jun junab' chech utijonik)

Jampa mul xopan taj	Ri xresaj
0	10
1	6
2	3
3+	0

8^o. tijonik: 16 nak' (kuk'utwa'chij nik'aj junab' chech utijonik)

Jampa mul xopan taj	Ri xresaj
0	16
1	10
2	5
3+	0

Ri kta chi kech ri pa **9º. tjonik** (kopan pa chaq'ij), ri rajalib'al ri sachinaq ruk' k'o pa 37H o 37 H ½; on wene are ri nim taq makaj jacha ri 37H ¾ pa ri uwuq (7º) tjonik; xane are kkoj ri ch'aqap q'ij rech ri 8º tjonik, kojom chik pa ri uwujil ri utijob'al jawi kriqitaj wi.

Ri kta chi kech ri **10º., 11º. y 12º tjonik** (kopan pa chaq'ij), kk'am rij ri jampa sachinaq chech chi uxe' ri wuj 37H o 37 H ½; on wene q'axinaq chi apanoq jacha ri 37H ¾ chech ri junab' utijonik ukoq xuquje' chech ri junab' kutijoj rib', weri' cholotal pa ri uwujil ri utijob'al.

Chi kech ri **9º., 10º., 11º. y 12º tjonik.** (Kopan chi ujunab' utijonik), are ronojel ri kopan chi upam pa ri 37H o 37 H ½; on wene nim jub'iq' jacha kub'ij ri wujil 37H ¾ chi rech junab' ukoq pa ri q'ij chi kujacha ri uwujil q'alajisam chi uwach uwujil kumal ajsolinel chech uq'ab' tinamit.

VIII. Uwokik ri cha'onik

Ri ukolomal weri' are kuya uq'ijol chi ri solinem kb'an chech ri ub'anob'al ri tijoxel pa ri tijob'al, xane kuya chech taq nak' man kq'ax ta pa 100, xane rumal nojimal la kb'an ri solinem chech. Ri taq nak' ri' kenuk'ik **kmajitaj pa ri nim kopan pa ri qajinaq.** Jachin ri' chi are nim ri xresaj xas are ri' kcha'ik, xuquje' jeri' ukolomal keteri' chi ri nik'aj chik.

Wene k'o ri jun xk'ulmataj chi ri tijoxelab' xas junam taq ri nak' xekesaj chech taq ri chakub'al rech kicha'ik, kb'an chi jumul kwok chik jun ch'aqap chakub'al rech cha'onik kuk' ri jampa xaq junam nak' xekesaj, ruk' weri' kenuk'ik jacha ne lo ri nak' xekesaj chi uk'isb'al chi kech ri qas e k'o chi nab'e.

Ri tijoxelab' chi kb'an chi jumul ri cha'onik chi kixo'l, jachin taq xekesaj junam taq nak', ke'kanaj kan pa ri k'olib'al rech kikeye'j na ri ukolomal kjach chi kiwach rech ke'opan pa ri Tijob'al rech Ukab' Q'at Tjonik Regional Greater New Bedford.

IX. Tz'ib'anik b'i'aj

Ri utz'ib'axik b'i'aj rech okem pa ri Tijob'al rech Ukab' Q'at Tjonik Regional Greater New Bedford, ri tijoxelab' rajawaxik kich'akom chi ri inglés, Matemáticas, on wene jub'iq' kraj chi kiketa'maj ukolomal ri no'jib'al tjonik, xuquje' ya'om q'ij chech rumal ri utijob'al rech kopan chi pa jun joq'otaj chik. ***Jampa ri tijoxelab' chi man kich'akom ta ri', on man k'o ta ri wujil kuk' chi kta'ik, xane man kekanaj ta kanoq pa ri tijob'al, kesax ri tob'anik chi kech.***

Ri okem pa ri Tijob'al rech Ukab' Q'at Tjonik Regional Greater New Bedford, are kutaqej chi utz ub'anom ri uwujil ri tijoxel.

Ri Tijob'al rech Ukab' Q'at Tjonik Regional Greater New Bedford sib'alaj kunimaj ronojel le taqanik uwokom rech uya'ik ri tob'anik chi kech ri tijoxelab'. Le nimanik utaqexik ri tz'ib'ital chech ri uwujil cha'onik are qas k'o nab'e, we xilitaj chi k'o jun tijoxel, jun tat nan, jun chik tijonel on tijob'al chi xkib'an jech' chech jun wuj; la' man kkanaj ta kanoq. Jun chik, ri ajcha'onel cheh ri Tijob'al ri' man kuya ta q'ij chi kb'an taq k'otow chi'aj chik chi sib'alaj nim kb'e wi chech jun alaxik. Xuwi kb'an ri solinem jawije' rajawaxik wi ruk' ri ukolomal ri tjonik, qas are ktaqex ri k'o pa wuj, man k'o ta jun jastaq kta'ik chi wene kuya pa k'ax ri alaxik. Rumal ri solinem kb'anik ri' ri Tijob'al Regional Greater New Bedford kuya uq'ijol ri uwujil ri tijoxel on xane kutaso we rajawaxik.

X. Ukolomal solinem xuquje' ya'talil

We ri Tijob'al rech Ukab' Q'at Tijonik Regional Greater New Bedford man kucha' ta kan jun tijoxel, on kuya kan pa eyenik, ri tat nan, rachi'l ri tijoxel k'o ri ya'tal chi kech chi kkita toq'ob' chech ri K'amal b'e rech ri Tijob'al rech Ukab' Q'at Tijonik Regional Greater New Bedford chi ksolix ri' ri k'ulmatajem xane kya' ub'ixkil chi kech pa keb' xumano apanoq are chi' kkita ri toq'ob'. Ri utayik ri toq'ob' ri' rajawaxik kjachik ruk' nik'aj taq wuj chik rech kya uq'ijol. Jewa' ri ukolomal:

Pa taqoqxa'nib'al	Pa tz'ajom uwach wuj.
Sandra Poirier sandra.poirier@gnbvt.edu	Greater New Bedford Regional Vocational Technical High School 1121 Ashley Blvd. New Bedford, MA 02745

Ri K'amalb'e xuquje' ri rachi'l kkitzalej ri' ri taq wuj kkitz'ib'aj ub'i chi kech ri tat nan rachi'l ri tijoxel we kya q'ij chech kcha' kanoq, kkanaj kanoq on xane qas kkiya uq'ij ri uk'isb'al Tzij xuya ri Wokaj Cha'onel chi nab'e Tzij. Are chi' kk'ulmataj weri' ri K'amal b'e rajawaxik na kusolij we taq wujil ri':

- Ucholal uwujil ri tijoxel rech ri utz'ib'axik ub'i' pa ri Tijob'al.
- Uwuj rech utayik ri toq'ob' solinem,
- Nik'aj chik wuj xkijach ri tat nan ruk' ri tijoxel.

Ri K'amal b'e rajawaxik kruk'aj ri wuj rech kusolij ronojel ri chak xb'an chi rik ri uwujil ri tijoxel rech jela' ret'am jas ri' ri q'atoj Tzij on uk'isb'al Tzij kuya chi kech ri ajta'ol re. Wene kub'an rajawaxik, xane kumajo chi kjach chi kech ri tat nan xuquje' ri tijoxel we kkikaj kkisolij ri wuj.

XI. Utz'ib'axik uk'olik ri k'ulmatajem

Ri Tijob'al rech Ukab' Q'at Tijonik Regional Greater New Bedford uk'olom ronojel taq ri wuj kech ri tijoxelab' chi kekaj ke'opan pa ri Tijob'al, jampa ri kecha' kanoq, ri keye'j, xuquje' ri man kecha' ta kanoq; xas ronojel tz'ib'atal kanoq ri taq nak' xuquje' ri tzijonem b'anom kuk' wene rajawaxik, rumal k'ut ruk' weri' xa ktaqex ri kub'ij taq ri taqanik. Jampa we tz'ib'atal kanoq ri' kuya'o kkojik jawije' rajawaxik wi xuquje' kjachik we k'o ri Q'atb'al Tzij ktaw re.

Referencias Legales:

M.G.L. Capítulo 74
603 CMR 4.03

McKinney-Vento Homeless Assistance Act
ESSER

XII. Ukolomal ri Wokaj

Ri Tijob'al rech Ukab' Q'at Tjonik Regional Greater New Bedford, jun tijob'al chi kuya uq'ijol ri chak patan kuk' ri tijoxelab' pa ri uq'ab' tinamit. We tijob'al ri' nim kupatanij chi kech ri winaq alaxik chech ri tinamit New Bedford, Dartmouth and Fairfaven. Xtikitaj pa ri junab' 1908, are jun nab'e tijob'al chech ri Nim Tinamit xuquje' eta'matal uwach chi kiwach taq amaq' rumal chi sib'alaj nim ilik b'anom ri uchak. Ri Tijob'al rech Ukab' Q'at Tjonik Regional Greater New Bedford rachi'l ya'om uchuq'ab'il rumal ri Asociación de Escuelas y Colegios de Nueva Inglaterra.

K'o pa uq'ab' ri K'amalb'e ri usolixik, utaqexik ri taqanik rech uya'ik uq'ijol ri jampa ri kkitz'ib'aj kib'i' jacha ne lo ktaqan ri uwujil ri Taqanik chech Tz'ib'atal B'iaj. Ri K'amla b'e rech ri cha'onik achilam ri uchak rumal ri K'amal b'e rech ri Tjonik, je k'ut man k'o ta k'ax kriqitaj chech ri chak patan.

Ri achi k'o pa uq'ab' ri upwaqilal ri Tijob'al ukab' Q'at Tjonik Regional Greater New Bedford are: **Michael P. Watson**

michael.watson@qnbvt.edu

(508) 998-3321 Ext. 275

Ri K'amal b'e chech ri Tijob'al ukab' Q'at Tjonik Regional Greater New Bedford, are: **Warley J. Williams**

warley.williams@qnbvt.edu

(508) 998-3321 Ext. 782

Ri K'amal b'e rech ri cha'onik rech ri Tijob'al ukab' Q'at Tjonik Regional Greater New Bedford, are: **Jeffrey M. Caron**

jeffrey.caron@qnbvt.edu

(508) 998-3321 Ext. 490

Ri wokaj chech ri Utz'ib'axik b'iaj, wokom rumal ri K'amal b'e. Ri wokaj jalajoj kiwach k'o ri K'amal b'e, ri K'amal b'e rech utz'ib'axik b'i'aj, K'amal b'e solinel kech tijoxelab', K'amalb'e solinel rech ukolomaxik ri taqanik kuk' ri tijoxelab', K'amal b'e rech uq'ijol b'antajik, alaxik, xuquje' nik'aj taq K'amal b'e chik kb'ix chi kech CVTE. Ri kichak we wokaj K'amal taq b'e ri' are:

- a. Usolixik unimaxik ri taqanik ch'ikital chech utz'ib'axik b'i'aj ch'ikital wokom kanoq kumal ri Wokaj Uq'ab' rech Tinamit.
- b. Utaqexik chi uwach saq ri ukolomal ri utz'ib'axik b'i'aj.

UKOLOMAL RI CHA'ONIK

Q'IJ	UKOLOMAL	
1 rech septiembere 2023	Unojisaxik okib'al. Jaqom ri' ri uk'u'x okib'al.	
Pa noviembere 2023	Taq q'ij chech ri okem	Ktaq ri sik'inem chi kech ri tijoxelab' chech ri 7º. Y 8º. q'at.
Enero pa febrero 2024	Ri taq nak', ucholal kb'antajik ri tijoxelab' rajawaxik kq'alajisax kumal taq ri tijob'al chi kkitaq ulo kitijoxelab'.	Konojel ri tijob'al chi kkitaq ulo kitijoxelab', rajawaxik ri' kkinojisaj ri Go2CTE rech ktz'aqatisax ri' ri jampa ne lo rajawaxik rech kecha' ri tijoxelab'.
8 rech marzo 2024	Q'ij ujachik ri tz'onoj	Ri uwujil tz'onoj xk'am chi rij ri 8 rech marzo 2024, kkanaj kanoq chi rij ri wokaj tijoxelab' cha'tajinaq chik (Chsolix b'a ri q'at VIII, ukolomal cha'onik)
Pa 15 rech abril 2024 (on chi uxe' uloq)	Ukolmal pajinik winaqilal	Ri 285 tijoxelab' chi xkitz'aqatisaj ri utz'onixik ri kiwuj kirayib'al chech ri tob'anik pa uq'ab' ri Tijob'al, xas kecha' ri' jachin taq ri kekanaj kanoq.
TBD	Ri ukolomal cha'onik chi rij nab'e pajinik.	Are chi' xk'ulmataj ri cha'onik, rajawaxik ri' kesik'ix chi nik'aj tijoxelab' pa ri junab' 2027, are ne lo ktaqex jas ri' ri taqanik chikom kanoq.